

S A C R A
N A T A L I T I A

SEREN. DUCIS SAXON. GOTH. ALTENB.

AEMILII LEOPOLDI
AUGUSTI

I N

ILL. GYMNASIO FRIDERICIANO ALTENB.

A. D. IX. CAL. DECEMBR. POST HORAM IX MATUT.

PIE CELEBRANDA

I N D I C I T

AUGUSTUS MATTHIAE

D. PHIL. SEREN. DUCI GOTH. A CONSILIIS ECCLES. ET SCHOL.
DIRECTOR GYMN.

Spicilegium observationum de anacoluthis in Cicerone.

ALTENBURGI,
E T Y P O G R A P H I A A U L I C A.

2870



Instat dies, quem cum civibus, tum sibi faustissimum, pie celebrare consuevit Gymnasium Fridericianum, natalis Principis Serenissimi atque Indulgentissimi, Augusti. Hunc cras celebraturi Vos, Amplissimi urbis reique publicae Proceres, Gymnasii Curatores atque Inspectores Gravissimi, et reliqui literarum fautores ac patroni, ut frequentes adsitis, et orationes a quatuor adolescentibus habendas, qua solitis humanitate, audire velitis, observantissime rogamus. Verba autem facient

Fridericus Guilielmus Bräut, Ronneburgensis, qui de utilitate e lectione tragicorum Graecorum capienda aget *oratione Latina*;

Ernestus Henricus Augustus de Kropf, Berolinensis, qui genus humanum ad meliora et ad altiorem perfectionis gradum semper progredi ostendere conabitur *oratione Germanica*;

Johannes Carolus Gottlob Findeisen, Kahlenfis, Principis, scholarum tutoris, benignitatem celebraturus *carmine elegiaco Latino*.

Augustus Lebrecht Back, Corbussenfis, veteris Graeciae laudes praedicaturus *carmine Germanico*.

Ne vero hic libellus argumento ad literas, quae ab humanitate appellantur, pertinente destitutus sit, quaestionem de anacoluthis, quam superiori anno inchoavimus magis, quam profligavimus, denuo in manus fumamus, et quae ex illo tempore occurrerunt nobis eodem spectantia adjiciamus. Ibi *anacoluthorum* primum genus hoc posui, quum e duobus membris alterum priori oppositum supprimeretur, secundum, quod e continuata parenthesi oriretur. De loco Brut. 31, 121. *Jovem, sicut ajunt philosophi, si Graece loqueretur, sic loqui*, essetne ille ad hunc modum explicandus et defendendus, dubitare me dicebam p. 7, dum constructionis accusativi cum infinit. ante parenthesin inchoatae exemplum afferretur. Tale quidem exem-

plum ex Aeschyli Pers. 563. *τὴν δ' ἂν ἰσχυρῶς ἀναστ' αὐτόν, ὡς ἀκούσαν* pro *ἰσχυρῶς ἀναστ' αὐτόν, ὡς ἀκ.* protulit Erfurdiius ad Soph. Antig. 736 ed. min. Sed haec constructio et apud Graecos ipsos rarissima est, nec Ciceronem ea usum esse affirmare ausim, nisi eam in alio etiam loco deprehenderim. Constructio autem e sententia interposita nexa est etiam Brut. 59, 214. *quamquam id quidem fuit etiam in aliis, et magnis quidem oratoribus, quos parum his instructos artibus vidimus, ut Sulpicium, ut Antonium, pro ut Sulpicio, — Antonio.* Phil. IV, 4, 9. *Quis igitur illum consulem, nisi latrones putant?* pro *Quis — putat.* Sic nonnumquam genus participii vel adjectivi ad nomen proxime praecedens, non ad id, quo oportebat, refertur, ut Brut. 75, 262. *omni ornatu orationis tanquam veste detracta*, pro *ornatu-detracto*, quod ita ferri non posse putabat Ernesti, ut, ne monito quidem lectore, *detracto* ederet. Nihil tamen eum offendit locus de Off. I, 23, 80. *Bellum autem ita suscipiatur, ut nihil aliud, nisi pax, quaesita videatur*, nec alius pro l. Manil. 5. in. *Corinthum patres vestri, totius Graeciae lumen, exstinctum esse voluerunt pro exstinctam.* Vid. Jo. Mich. Heusingeri spicilegium emendationum et observationum ad Corn. Nepotis vitas XVIII priora (Isen. 1744. 4) ad Themist. c. 5. Similis *ἀντίκρουσις* est, quando casus substantivi non ad illud verbum vel nomen, quo proprie pertinet, sed ad sententiam intermedium a pronom. relativo pendente relatus est. Leg. I, 17, 48. *animis omnes tenduntur insidiae vel ab iis, quos modo enumeravi, qui teneros et rudes quum acceperunt, inficiunt et flectunt, ut volunt, vel ab ea, quae penitus in omni sensu implicata insidet, imitatrix boni voluptas pro ab ea imitatrice boni voluptate.* Vid. Goerenz ad Leg. III, 5, 12.

Atque haud scio, an eodem modo explicandus sit locus Off. I, 9, 28, in quo quantum desudarint interpretes, videre licet in Heusingerorum notis p. 71 sq. o. p. *Nam alterum justitiae genus assequuntur, in inferenda ne cui noceant injuria, in alterum incidunt; discendi enim studio impediti, quos tueri debent, *) dese-*

*) Pro *debent* Gueiph. sec. *debeant*, quod minime spernendum. Sic initio cap. suis studiis occupationibusque sic impediuntur, ut eos, quos tutari debeant, desertos esse patiantur. At ibi Heusing. cum Gesnero malit *debeant*. Vix opus. Nonnumquam enim Coniunctivi post qui haec vis est, parum adhuc observata, ut oppositionem quandam ad praecedentia significet, ubi nos *der doch.* Or. I, 18, 82. *Ego, qui sero ac leviter Graecas literas attigissem, tamen complures ibi sum dies commoratus.* cf. ib. 32, 145. Divin. in Caec. 13. in. *Ego, qui in foro iudiciisque ita verser, ut ejusdem aetatis aut nemo aut pauci plures causas defenderint, — tamen non solum commoveor animo.* Off. III, 33, 10 nam qui *potest temperantiam laudare is, qui po-*

runt. Ibi in alterum incidunt non potest esse in alterum iustitiae genus, sed iniustitiae, quamvis antea de iustitia tantum sermo fuerit. Nimirum quum alterum iustitiae genus memorasset, in inferenda na cui noceas injuria, simul oppositam iniustitiam cogitat, quae in inferenda injuria posita est. (v. 7, 23) et ad hanc sequentia retulit, in alterum iniustitiae genus incidunt. Quod Ernesti in cl. et Heusing. not. p. incidunt explicant violant; vix crediderim, hunc sensum unquam in verbo incidere inesse; in eorum certe locorum, quos uterque assert, nullo habet. Sed ut ibi pro eo, quod dictum erat, contrarium ejus mente et cogitatione substituitur, ad idque constructio sequentium refertur, sic in his: Fin. II, 21, 68. alteri negant, quidquam esse bonum, nisi quod honestum sit; alteri plurimum se et longe longeque plurimum tribuere honestati, non negant, sed ajunt, dicunt; quod e Graeco fonte ductum illustravit Heind. ad Plat. Gorg. §. 29. et alii, quos laudavi ad Gramm. gr. maj. p. 767 not. r.

Ad tertium caput, quo repetitiones eorum, quae jam dicta essent, retuli, haec etiam loca pertinent: Phil. II, 42. extr. Signa, tabulas, quas populo Caesar una cum hortis legavit, eas hic partim in hortos Pompeji deportavit etc. Tusc. Qu. III, 29, 71. Itaque Oileus ille apud Sophoclem, qui Telamonem antea de Ajaxis morte consolatus esset, is, quum audisset de sua, fractus est. Cf. N. D. I, 22, 61. II, 49, 125. Verr. III, 58, 134. IV, 30. in. Phil.

nat summum bonum in voluptate? et sic sexcentis locis, ubi in τῷ qui inest sensus τῷ quamvis, etsi pro relativo quomodo poni non possit. Male igitur Ernesti ad Verr. IV, 2, 3. nam ipsa Messana, quae situ, moenibus portuque ornata sit, ab his rebus, quibus iste delectatur, sane vacua atque nuda est, annotavit: Hoc rectum esse non potest: nempe quae est vitiosum, legendumque quum aut quomodo. Quasi vero et hujus et alterius particulae v. s. non in pron. qui inest! Nam aliis locis qui cum Conj. causam indicat, ita tamen ut quum pro eo ponere non possis: Or. I, 4, 14. Ac primo quidem totius rationis ignari, qui neque exercitationis ullam viam, neque aliquod praeceptum artis esse arbitrarentur, tantum, quantum ingenio et cogitatione poterant, consequebantur. Off. I, 2, 6. nulla officii praecepta tradi possunt, nisi aut ab iis, qui solam, aut ab his, qui maxime honestatem propter se dicant expectendam. Ad locum de Or. I, 58, 175. quod tandem os est illius patroni, qui ad eas causas sine ulla scientia juris audet accedere, Ernesti, An qui audeat? inquit: sensus meus latinitatis hoc desiderat. Quem sensum utinam in animo explicasset et ad certam rationem revocasset! tunc non temere mutasset locum pro Rosc. Am. I, 4. a me autem ii contenderunt, qui apud me et amicitia et beneficiis et dignitate plurimum possunt, quorum ego neque benivolentiam erga me ignorare, nec auctoritatem aspernari, nec voluntatem negligere debeam. ubi priora qui possunt descriptionem tantum continent eorum hominum, ultima, quorum debeam causam indicant, cur defensionem Roscii recipiendam putaverit.

II, 39, 101. de opt. gen. or. 6. Sic *is, ille, hic* post parenthesin denuo infertur, quamvis *hic* vel aliud pron. ejus generis praecefferat. Inv. I, 31, 52. *factum est, ut etiam illud, quod dubium videbatur, si quis separatim quaereret, id pro certo propter rationem rogandi concederetur.* Cluent. 6, 17. *non essem ad ullam causam idoneus, si hoc, quod in communibus hominum sensibus atque in ipsa natura positum atque infixum est, id ego non viderem.* Cf. Verr. IV, 58, 130. Phil. III, 7, 3. *Faciendum est igitur nobis, P. C. ut ea, quae sua sponte clarissimus adolescens atque omnium praestantissimus gessit et gerit, haec auctoritate vestra comprobentur.* Or. I, 37, 169. *quam cum, qui hanc personam suscepit, ut-excitet, hunc in minimis tenuissimisque rebus ita labi etc.* Itaque temere, ut multa alia, sic locum de orat. I, 23, 109. mutavit Schützius: *Sin autem ea, quae observata sunt in usu ac tractatione dicendi, haec ab hominibus callidis etc.* delendo *Cf.* nec minus temere ib. 20, 91 in quibus etiam, *sive ille irridens, sive quod ita putaret atque ita audisset, me in illo numero-proferebat, voces in illo numero delevit.* Sic post *quod* sequitur *id.* Rabir. Perd. 3, 10. *Quod utinam, Quirites, ego id aut primus aut solus ex hac republica sustulissem!* Diversum est, sed simile tamen, quod de Leg. III, 2, 5. legitur: *qui, ut illi coelestibus, sic hi adversentur magistratibus.* Sed ex eodem genere est hoc, quod post *qui, quae, quod*, ad praecedentia spectans, nomen ipsum, quo *qui* spectabat, additur: Or. 62, 210. *Id nos fortasse non perfecimus, conati quidem saepissime sumus: quod (n. nos conatos esse) plurimis locis perorationes nostrae, voluisse nos atque animo contendisse, declarant:* Cf. Fin. III, 2, 8. Leg. III, 9, 21. Off. II, 8. Nat. D. II, 9, 24. quae loca attuli ad Fin. I, 20, 67. (Misc. phil. II, 1, p. 109. 3, p. 85.) tum Or. 16, 52. Verr. II, 1, 26, 67. 2, 3, 6. 40, 99. Off. III, 31, 7. Similiter ad Div. V, 13. in. *illum fructum ex iis literis vel maximum cepi, quod te praeclare res humanas contemnentem, et optime contra fortunam paratum armatumque cognovi: quam quidem laudem sapientiae flatum esse maximam, non aliunde pendere etc.* Cf. pro Cluent. 35. in. *Atque hoc modo jam olim ostendi explicandum et defendendum videri locum de Or. I, 12, 53. Quis enim nescit, maximam vim existere oratoris in hominum mentibus vel ad iram aut ad odium aut dolorem incitandis, vel ab hisce iisdem permotibus ad lenitatem misericordiamque revocandis? quae (n. mentes vel incitare vel revocare) nisi qui naturas hominum - penitus perspexerit, dicendo, quod volet, perficere non poterit.* Nam dicendo, quod volēs, perficere, ad sensum idem est, quod animos

quocunque modo commovere. Nec magis mutatione eget locus ib. 17, 75. *Haec* (n. quae oratori propria tradidisti) *cum ego praetor Rhodum venissem, et cum summo illo doctore istius disciplinae Apollonio ea, quae a Panaetio acceperam, contulissem, irrisit ille quidem, ut solebat*; philosophiam. ubi voc. *philosophiam* sensum repetit pron. *Haec*: nam quae oratori propria tradiderat Crassus, ipsa erat philosophia. Simile est, quod de Or. I, 37, 169. legitur: *Quid ergo hoc fieri turpius aut dici potest, quam eum, qui hanc personam fuisse perit - - labi*, ubi *hoc*, quod ad praecedentia spectat, explicatur tota ~~phæ~~, *quam eum - labi*; de quo pleonasmò egi ad Fin. I, 6, 19. (Misc. philol. II, 1, p. 99. 3, p. 85.) Cf. Gramm. gr. maj. §. 450. min. §. 468. d.

Sed illa jam ad id anacoluthorum genus pertinent, in quo forma orationis, ante parenthesin instituta, commutatur. Hujus generis nunc alia quaedam adjiciam. Tusc. Qu. V, 29, 82. sic vulgo legebatur: *Melius equidem asserere nihil possum: sed a te impetrarim libenter, ut, nisi molestum sit, quoniam te nulla vincula impediunt ullius certae disciplinae, libasque ex omnibus, quodcumque te maxime specie veritatis movet, quod paulo ante Peripateticos veteremque Academiam hortari videbare, ut sine retractatione libere dicere auderent, sapientes esse semper beatissimos, id velim audire, quemadmodum his putes consentaneum esse id dicere*. Davifius eumque secutus Ernesti ut ante *nisi molestum sit*, e Codicum nonnullorum auctoritate deleverunt, tanquam inutile et quo oratio nimis intricata fiat. At unde libarios id assumpsisse dixeris? Delevisse illos, quod ad nullum verbum referre possent, nihil mirum. Tum verba: *impetrarim libenter* usque ad *beatissimos* parenthesi inclusit Ern. ut verba *a te id velim audire* cohaerent: quam orationis formam vix quisquam pro Ciceroniana agnovit. Quum enim verba: *a te impetrarim libenter* et *a te velim audire* sensu nihil inter se differant, sit, ut in parentheseos initio dicatur, quod denuo inculcetur post parenthesin. Imò Cicero orationem sic instituit, ac si dicturus esset: sed a te impetrarim libenter, ut, nisi molestum sit, nobis demonstres, quemadmodum Peripateticis veterique Academiae putes consentaneum esse dicere, sapientes esse semper beatissimos. Ultima praeposuit, ut nobis demonstres, quod paulo ante Peripateticos veteremque Academiam hortari videbare, ut - beatissimos, id (n. hoc ipsum sapientes esse semper beatissimos) velim audire etc. Ita multis interjectis constructionem immutat et, quod fieri solet, sensum verborum a te impetrarim libenter repetit verbia velim audire. Similiter ut verbo, quo referatur, destitutum est Off. III, 10, 45. quem locum in superiori prolusione p. 9 adscripsi, et similis orationis

forma est Or. I, 29, 133. vid. ib. p. 6. Sic Or. I, 24, 111. *moderabor ipse*, ne, ut quidam magister atque artifex, sed quasi unus e togatorum numero atque ex forensi usu homo medioeris neque omnino rudis, videar, non ipse aliquid a me promississe, sed fortuito in sermonem vestrum incidisse; ita pergit, ac si dixisset, *moderabor ipse*, ut videar, non ipse etc. nam ne non solum contrarium ei, qui requiritur, efficit. Off. I, 7, 23. *Fundamentum autem iustitiae est fides, id est, dictorum conventorumque constantia et veritas: ex quo, quamquam hoc videbitur fortasse cuiusdam durius, tamen audeamus imitari Stoicos, credamusque, quia fiat, quod dictum est, appellatam fidem.* ubi nihil, quod operae pretium esset, attulit Heusingerus p. 60. o. Dicere autem instituerat Cicero: *ex quo, quia fit, quod dictum est, appellata est fides.* Ib. 5, 15. *Quae quatuor quamquam inter se colligata atque implicata sunt, tamen ex singulis certa officiorum genera nascuntur: velut ex ea parte, quae prima descripta est, — inest indagatio atque inventio veri.* Miror Heusingerum, qui constructionem ex ea parte inest comparet cum locutionibus, ex hac parte, aliqua ex parte, quae diversissima sunt, nec viderit, continuatam esse a Cicerone constructionem praecedentis sententiae: velut ex ea parte nascitur, post enuntiationes autem interpositas immutatam, quasi praecessisset in ea parte inest.

Nonnumquam etiam e duobus membris, quae ad unum idemque capnt referri debebant, alterum sententiam non aliunde pendentem constituit. Frequentissima sunt talia, ut Or. I, 27, 125 *has causas inveniebam duas, unam, quod intelligerent* etc. Jam sequi debebat, *alteram, quod ceterarum homines artium — putantur*: sed pro eo est: *Altera est, haec, de qua queri saepe soleo* etc. Cf. Off. I, 20. in. Non minus frequens, sed saepe oblitterata, variatio structurae haec est de Or. III, 31, 123. *dummodo illa ad hanc civilem scientiam, quo pertinent et quam intuentur, transferamus, neque, ut ante dixi, omnem teramus in his discendis rebus aetatem; sed, quum fontes viderimus — ex iis tantum, quantum res petet, hauriemus pro hauriamus, quod ipsum Ernesti edidit, in talibus sine libris oportere corrigere jactans, verissimae tamen ipse suae observationis inmemor ad II, 72, not. 46. Monuit de hoc nonnulla Heusingerus ad Off. p. 26. b. qui tamen observationis suae meminisse debebat etiam Off. I, 5, 6. et cum locum sic distinguere: *ut et societates hominum conjunctioque fervetur, et animi excellentia magnitudoque — eluceat; ordo autem et constantia et moderatio versantur in eo genere* etc. Sic pro Participio ponitur verbum finitum Off. I, 2. *Sequemur igitur hoc quidem tempore et hac in**

quaestione potissimum Stoicos, non ut interpretes, sed e fontibus eorum judicio arbitraturque nostro, quantum quoque modo videbitur, hauriemus. Ubi recte Ern. animadvertit dictum oportuisse, non ut interpretes, sed - haurientes, minus recte idem ita legendum existimat. Quod Heusing. dicit, Durum mihi videtur Sequemur - haurientes nihili est.

Nonnumquam etiam duae constructiones conjunctae reperiuntur; quod anacoluthorum vel variatae structurae genus apud Graecos latissime patet. Nam hoc, *Illuc quidem adduci vix possum, ut ea, quae senserit ille, tibi non vera videantur* Fin. I, 5, 13. et illud, *ut jam videar adduci, hanc quoque, quae te procreavit, esse patriam tuam*, Leg. II, 3. mixta sunt e duabus constructionibus, quarum altera post *adduci*, altera post *existimare* legitima est. Vid. Goer. ad Leg. I. c. Sic de prov. conf. 16, 39. nam ut C. Julius, - - per quem ordinem ipse amplissimam sit gloriam consecutus, ei ne libertatem quidem relinquat, *adduci ad suspicandum nullo modo possum*, ubi ut relinquat pendet ab *adduci non possum*, quamquam ad verbum *susplicandum* referri oportebat, C. Julium non relicturum esse. Ut in his constructio pendet ex verbo quod in mente tantum habebat scriptor, sic Or. I, 19, 86. *quaerebat, cur de prooemiis et de epilogis et de hujusmodi nugis referti essent eorum libri*, Cicero cogitabat, *cur praeceptis de prooemiis referti essent eorum l. et ib. 23, 108. Nam si ars ita definitur, ut paulo ante exposuit Antonius, ex rebus penitus perspectis planeque cognitis, in animo habebat, constare eam seu effici ex rebus.* ut male ibi Schützius illud ex suo arbitrio expunxisse videatur. Magis etiam notanda est duarum constructionum confusio Or. I, 32, 146. *Verum ego hanc vim intelligo esse in praeceptis omnibus, non ut ea secuti oratores eloquentiae laudem sint adepti, sed, quae sua sponte homines eloquentes facerent, ea quosdam observasse atque digessisse*, quod brevius dictum est pro: hanc vim intelligo esse in praeceptis omnibus, non ut ea secuti eloquentiae laudem adipiscamur; intelligo enim non ea secutos oratores eloquentiae laudem esse adeptos, sed - observasse atque digessisse.

Altenburgi, a. d. X. Cal. Dec. 1810.

